

ქ. თბილისი

14.12.2017 წ.

საქართველოს კულტურისა და ძეგლთა დაცვის სამინისტრო, შემდგომში წოდებული „შემსყიდველად“, წარმოდგენილი მინისტრის მოადგილის გიორგი ბაქრაძის სახით და სს „სილქნეტი“ წარმოდგენილი მისი კომერციული დირექტორის ნუგზარ ჩინჩალაძის სახით, შემდგომში წოდებული „მიმწოდებელად“. მოქმედი საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის საფუძველზე, შემსყიდველის მიერ ჩატარებული ელექტრონული ტენდერის აუქციონის გარეშე შესაბამისად (სატენდერო განცხადება № NAT170013395) ვდებთ წინამდებარე ხელშეკრულებას:

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობებს, რაც მათ აქვთ მინიჭებული ხელშეკრულების პირობებში.
 2. მიმწოდებელი იღებს ვალდებულებას კეთილსინდისიერად და ჯეროვნად შეასრულოს ხელშეკრულებით ნაკისრი ვალდებულებები.
 3. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება, ხელშეკრულების პირობებში ასახულ ვადებში და ფორმით.
 4. „მხარე“ ნიშნავს შემსყიდველს და მიმწოდებელს.
 5. „მხარეები“ ნიშნავს შემსყიდველს და მიმწოდებელს ერთად.
- ყოველივე ზემოაღნიშნულის დასტურად მხარეებმა გავაფორმეთ წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

მუხლი 1. გამოყენებული ტერმინების განმარტებები

- 1.1 „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) – ნიშნავს შემსყიდველსა და მიმწოდებელს შორის დადებულ ხელშეკრულებას, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ ნიშნავს წინამდებარე ხელშეკრულების მე-4 მუხლის 4.1 პუნქტში მითითებულ თანხას, რომელიც შემსყიდველმა უნდა გადაიხადოს მიმწოდებლის მიერ ხელშეკრულებით ნაკისრი ვალდებულების სრული და ზედმიწევნით შესრულებისათვის.
- 1.3 „შემსყიდველი ორგანიზაცია“ ნიშნავს „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ა“ ქვეპუნქტით განსაზღვრული სახსრებით შესყიდვის განმახორციელებელ პირს.
- 1.4 „მიმწოდებელი“ ნიშნავს პირს, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ.
- 1.5 „ტექნიკური დავალება“ - გამარტივებული ელექტრონული ტენდერის ტექნიკური დავალება, მიმწოდებლის მიერ წარმოდგენილი სატენდერო წინადადება (დანართი №1) რომელიც წარმოადგენს წინამდებარე ხელშეკრულების განუყოფელი ნაწილს.

მუხლი 2. ხელშეკრულების საგანი

2.1 წინამდებარე ხელშეკრულების საგანია შემსყიდველის მიერ მიმწოდებლისაგან ხელშეკრულების ღირებულების ფარგლებში (CPV 64211000) ადგილობრივ, საქალაქთაშორისო და მობილურ ოპერატორებთან კავშირის მომსახურების შესყიდვა წინამდებარე ხელშეკრულებაზე თანდართული დანართი №1 შესაბამისად.

2.2 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ღირებულება ხელშეკრულებით განსაზღვრულ ვადებში და ფორმით.

2.3 დანართი №1 წარმოადგენს ხელშეკრულების განუყოფელ ნაწილს.

მუხლი 3. მომსახურების გაწევის ვადები და პირობები

3.1 ადგილობრივ, საქალაქთაშორისო და მობილურ ოპერატორებთან კავშირის მომსახურება უნდა განხორციელდეს 2018 წლის 1 იანვრიდან 2018 წლის 31 დეკემბრის ჩათვლით, შემსყიდველის იურიდიულ მისამართზე ქ.თბილისი სანაპიროს ქუჩა N4.

მუხლი 4. ხელშეკრულების ღირებულება

4.1 ხელშეკრულების ღირებულება შეადგენს 10000 (ათი ათასი) ლარს საქართველოს კანონმდებლობით დადგენილი გადასახადების გათვალისწინებით.

მუხლი 5. ანგარიშსწორების ფორმა, გრაფიკი და ვადები

5.1 ანგარიშსწორება მოხდება წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად, ანგარიშსწორება განხორციელდება ფაქტიურად გაწეული მომსახურების შესაბამისად, ყოველთვიურად, ყოველი თვის მომდევნო თვის განმავლობაში, წარმოდგენილი ანგარიშ-ფაქტურის, სასაქონლო ზედნადებისა და მიღება-ჩაბარების აქტის საფუძველზე, 10 სამუშაო დღის ვადაში.

5.2 ანგარიშსწორების ვალუტა – ლარი

5.3 ანგარიშსწორების ფორმა – უნაღდო.

5.4 ხელშეკრულების ღირებულების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში.

მუხლი 6. მხარეთა პასუხისმგებლობა

6.1 ერთ-ერთი მხარის მიერ ნაკისრი ვალდებულების შეუსრულებლობის ან არასათანადო შესრულების შემთხვევაში, ბრალეული მხარე დაზარალებულ მხარეს აუნაზღაურებს დოკუმენტალურად დადასტურებულ მიყენებულ ზიანს, საქართველოში მოქმედი კანონმდებლობით დადგენილი წესით.

6.2 მიმწოდებელი პასუხს აგებს მისთვის დაკისრებული ვალდებულებების სათანადო შესრულებისათვის და ვალდებულია აანაზღაუროს მისი ქმედებით დამდგარი ყველა სახის ზიანი.

6.3 მიმწოდებლის მიერ მისი ვალდებულებების შეუსრულებლობის ან არასათანადოდ შესრულების შემთხვევაში მას ეკისრება პირგასამტეხლო შეუსრულებელი ვალდებულების ღირებულების 0,02% ოდენობით ყოველ ვადაგადაცილებულ დღეზე.

6.4 იმ შემთხვევაში, თუ „მიმწოდებელზე“ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, „შემსყიდველი“ იტოვებს

ქვლებას შეწყვეტოს ხელშეკრულება და მოსთხოვოს „მიმწოდებელს“ შესაბამისი პირგასამტეხლო ხელშეკრულების ღირებულების 10%-ის ოდენობით.

6.5 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

6.6 მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

6.7 თუ შემსყიდველი მიიღებს ასეთ გადაწყვეტილებას ვალდებულია შეატყობინოს მიმწოდებელს მიღებული გადაწყვეტილება, კანონმდებლობით დადგენილი წესით.

6.8 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

მუხლი 7. ხარისხი

7.1 მიმწოდებელი პასუხს აგებს გაწეული მომსახურების ხარისხზე, საკუთარი ხარჯებით აწარმოებს ყველა ხარვეზის გამოსწორებას.

მუხლი 8. საქონლის ხელშეკრულების პირობებთან შესაბამისობის დადგენის და მიღება-ჩაბარების წესი

8.1 საქონლის მიღება დასტურდება შემსყიდველს და მიმწოდებელს შორის მიღება-ჩაბარების აქტის გაფორმებით.

8.2 შემსყიდველი უფლებამოსილია განაცხადოს უარი დაგვიანებით ან უხარისხოდ (წუნდებული) მიწოდებულ საქონელზე. ასეთ შემთხვევაში შემსყიდველი თავისუფლდება ხელშეკრულების ღირებულების გადახდის ვალდებულებისაგან.

8.3 საქონლის ხელშეკრულების პირობებთან შესაბამისობის დადგენას და მიღება-ჩაბარების აქტის გაფორმებას უზრუნველყოფს: საქართველოს კულტურისა და ძეგლთა დაცვის სამინისტროს, ადმინისტრაციული დეპარტამენტის ტექნიკური უზრუნველყოფის სამმართველოს მესამე რანგის მესამე კატეგორიის უფროსი სპეციალისტი პაატა მიქანაძე.

მუხლი 9. მხარეთა უფლება-ვალდებულებები

9.1 მიმწოდებელი ვალდებულია გაუწიოს მომსახურება შემსყიდველს დანართი №1 და წინამდებარე ხელშეკრულების პირობების შესაბამისად:

- ა) 24 საათიანი მომსახურება და ტექნიკური მხარდაჭერა;
- ბ) უფასო ზარები მიმწოდებლის კომპანიის ქსელში არსებულ ნომრებზე;
- გ) ორმხრივი კავშირი ქალაქში არსებულ ყველა ოპერატორთან;
- დ) მოთხოვნის შემთხვევაში კანონით განსაზღვრული უფასო ინფორმაციის მიწოდება მომსახურების შემსყიდველის სატელეფონო ნომრებიდან განხორციელებული, მიღებული და გაცემული ინფორმაციების შესახებ, რომელიც უნდა ინახებოდეს მიმწოდებლის ბაზაში;
- ე) შემსყიდველის დავალიანების შესახებ ინფორმაციის დაუყოვნებლივ მიწოდება;
- ვ) კომუნიკაციის ეროვნული კომისიის მიერ განსაზღვრული პარამეტრებით ხარისხიანი სატელეფონო კავშირის უზრუნველყოფა;
- ზ) ბილინგის პერიოდულობა ყოველთვიური;
- თ) შემსყიდველის დამატებითი მოთხოვნის შემთხვევაში მიმწოდებელმა უნდა უზრუნველყოს 20 სატელეფონო ნომრის გამოყოფა უფასოდ; სატელეფონო ნომრის დამატებითი საჭიროებისთვის გამოყოფის შემთხვევაში, სააბონენტო თანხის ანაზღაურება მოხდება სააბონენტო

მომსახურებისთვის გათვალისწინებული ერთეულის ღირებულების შესაბამისად.

ი) საჭიროების შემთხვევაში მიმწოდებელმა უნდა უზრუნველყოს შემსყიდველის სატელეფონო ნომრის პორტირება უფასოდ;

კ) მიმწოდებელს უნდა გააჩნდეს არანაკლებ 200000 (ორასიათასი) აბონენტი;

ლ) მომსახურების გაწევის ვადაა 2018 წლის 1 იანვრიდან 2018 წლის 31 დეკემბრის ჩათვლით;

მ) მიმწოდებელმა უნდა წარმოადგინოს ასევე ცხრილის სახით სრული ტარიფები საერთაშორისო სატელეფონო კავშირის განხორციელებასთან დაკავშირებით, ქვეყნების მიხედვით და ერთეული წუთის ტარიფების მითითებით;

ნ) მიმწოდებელი ვალდებულია უზრუნველყოს დაწესებული თანხობრივი ლიმიტის კონტროლი და შესაბამის ნომერზე თვის ლიმიტის ამოწურვის შემთხვევაში ნომერზე შეწყვიტოს მომსახურების მიწოდება. ლიმიტების დაწესებასთან დაკავშირებით რაოდენობის და ნომრების მითითებით შემსყიდველი წინასწარ აცნობებს მიმწოდებელს წერილობით.

ო) მიმწოდებელს უნდა გააჩნდეს თბილისისა და საქართველოს დანარჩენ ტერიტორიაზე მომსახურე კომპანიის სატელეფონო ფართო ქსელი (განმარტება: სატელეფონო სადგურების ფართო ქსელი ნიშნავს კომპანიაზე მიმხმული სატელეფონო აბონენტების დიდ რაოდენობას რაც იძლევა აბონენტთა შორის მეტი უფასო შიდა ზარების განხორციელების საშუალებას არა მარტო თბილისში არამედ საქართველოს დანარჩენ ტერიტორიაზე).

პ) შემსყიდველის მოთხოვნის შემთხვევაში, სატელეფონო ნომრებზე შეზღუდული უნდა იქნას საინფორმაციო ზარები (09,08). პრეტენდენტმა მომსახურების გაწევა უნდა უზრუნველყოს წამობრივი დამრგვალებით.

ჟ) შემსყიდველის მოთხოვნის შემთხვევაში, სატელეფონო დადგენილი წესის შესაბამისად, შესაძლებელია საქართველოს კულტურისა და ძეგლთა დაცვის სამინისტროს ფიქსირებული (-- ნომერი) სატელეფონო ნომრების პორტირება. (ზემოაღნიშნულ ტენდერში არაპროვადირი კომპანიის შემთხვევაში უნდა განხორციელდეს იგივე სატელეფონო ნომრებით კავშირგაბმულობის მომსახურება 2018 წლის 1 იანვრიდან 2018 წლის 31 დეკემბრის ჩათვლით), ამასთან აღნიშნულ მომსახურებასთან დაკავშირებულ სამონტაჟო, გაყვანილობის და დაერთების სამუშაოებს უზრუნველყოფს მიმწოდებელი საკუთარი სახსრებით, შემსყიდველის მხრიდან ყოველგვარი დამატებითი ხარჯების გარეშე.

9.4 მიმწოდებელი ვალდებულია:

ა) განიხილოს შემსყიდველის პრეტენზიები და მიაწოდოს მოტივირებული პასუხი ნებისმიერ სადაო საკითხებზე;

9.4 შემსყიდველი ვალდებულია:

ა) დროულად აცნობოს მიმწოდებელს გაწეულ მომსახურებასთან დაკავშირებული ხარვეზების შესახებ;

ბ) გადაიხადოს ხელშეკრულების ღირებულება.

მუხლი 10. ფორს-მაჟორი

10.1 წინამდებარე ხელშეკრულებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მიმწოდებელისა და/ან შემსყიდველის შეცდომებსა და დაუდევრობასთან. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.2 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.3 ფორს-მაჟორული სიტუაციის 10 დღეზე მეტი ხნით გაგრძელების შემთხვევაში მხარეები უფლებამოსილნი არიან ცალმხრივად შეწყვიტონ ხელშეკრულება, რაც დაუყოვნებლივ უნდა ეცნობოს მეორე მხარეს.

მუხლი 11. ხელშეკრულების დადების საფუძველი

11.1 ხელშეკრულების დადების საფუძველი არის „სახელმწიფო შესყიდვების შესახებ“ საქართველოს კანონის კანონის მე-3 მუხლის პირველი პუნქტის „ჟ“ ქვეპუნქტი.

მუხლი 12. ხელშეკრულების მოქმედების ვადა.

12.1 წინამდებარე ხელშეკრულება ძალაში შედის ხელშეკრულების დადებიდან და მოქმედებს მხარეთა მიერ ამ ხელშეკრულებიდან წარმოშობილ ვალდებულებების სრულად შესრულებამდე, მაგრამ არაუმეტეს 2019 წლის 31 იანვრის ჩათვლით.

მუხლი 13. სხვა პირობები

13.1 მხარეთა შორის სადაო საკითხები წყდება ურთიერთმოლაპარაკების გზით. შეთანხმების მიუღწევლობის შემთხვევაში მხარეები უფლებამოსილნი არიან მიმართონ საქართველოს სასამართლოს.

13.2 ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით, მხარეთა ან მათი უფლებამოსილი წარმომადგენლების მიერ ხელმოწერით.

13.3 მხარეები უფლებამოსილნი არიან მოშალონ წინამდებარე ხელშეკრულება ცალმხრივად, თუ მეორე მხარე ვერ უზრუნველყოფს ნაკისრი ვალდებულებების ჯეროვან შესრულებას ან საქართველოს კანონმდებლობით გათვალისწინებულ სხვა შემთხვევებში.

13.4 ხელშეკრულება შედგენილია ქართულ ენაზე სამ ეგზემპლარად, რომელთაგან ორი გადაეცემა შემსყიდველს და ერთი მიმწოდებელს და თითოეულს გააჩნია თანაბარი იურიდიული ძალა.

მხარეთა რეკვიზიტები:

შემსყიდველი:

საქართველოს კულტურისა და ძეგლთა დაცვის

სამინისტრო

საიდ.კოდი: 203851126

მის: ქ.თბილისი, სანაპიროს ქ. №4

სახელმწიფო ხაზინა

კოდი: 220101222

მინისტრის მოადგილე

გიორგი ბაქრაძე



მიმწოდებელი:

სს „სილქნეტი“

ს/კ 204566978

სს „თიბისი ბანკი“

ბანკის კოდი: TBCBGE22

ა/ა GE97 TB 7404 9360 7010 0004

მის: ქ. თბილისი წინამძღვრიშვილის ქ. #95

კომერციული დირექტორი

ნუგზარ ჩინჩალაძე



დანართი #1

#	მომსახურების დასახელება	განზომილება/ ერთეული	რაოდენობა	ერთეულის ღირებულება ყველა გადასახადის ჩათვლით	საერთო ღირებულება ყველა გადასახადის ჩათვლით
1	სააბონენტო მომსახურება ფიქსირებულ ტელეფონზე	ცალი	61	5	3660
2	სააბონენტო მომსახურება უსადენო ტელეფონზე	ცალი	9	10	1080
3	სააბონენტო მომსახურება ცხელი ხაზის ნომერი	ცალი	1	20	240
4	სხვა სატელეფონო კომპანიის ადგილობრივი ფიქსირებული ქსელის ოპერატორებთან და საქალაქთაშორისო სატელეფონო კავშირი	წუთი	15000	0.05	750
5	მობილურ ოპერატორებთან კავშირი	წუთი	22455	0.11	2470
6	საერთაშორისო კავშირი	წუთი	5000	0.36	1800
7	ოპერატორის შიდა ქსელის კავშირი	წუთი	უღირს	უფასო	უფასო
ჯამი					10000

საქართველოს კულტურისა და ძეგლთა
მინისტრის მოადგილე

გიორგი ბაქრაძე



სს „სილქნეტი“
კომერციული დირექტორი

ნუგზარ ჩინჩალაძე



ხელწერილი ინტერესთა კონფლიქტის
არარსებობის შესახებ

„სახელმწიფო შესყიდვების შესახებ“ საქართველოს კანონის მე-8 მუხლის თანახმად, საქართველოს კულტურისა და ძეგლთა დაცვის სამინისტროს მიერ გაფორმებულ №შ-18-6 ხელშეკრულებასთან დაკავშირებით არ ვიმყოფებით ინტერესთა კონფლიქტში.

გავცანით წინამდებარე ხელშეკრულებას და შენიშვნები არ გავვაჩნია.

პ. მიქანაძე

